



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XIV. Der Rath zu Sandow verpfändet dem heiligen Nicolaus daselbst vier
Buden und eine Wiese, am 6. Juni 1308.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

XIII. Der Pfarrer zu Burg erlaubt dem heil. Geist-Hospitale daselbst einen eignen Geistlichen zu halten, am 21. Januar 1307.

Guntherus de Swalenberch, thesaurarius Magdeburgensis ecclesie et plebanus ecclesie in Borch, Omnibus presens scriptum visuris et auditoris salutem in eo qui est omnium vera salus. Ad firmandam rei geste memoriam ad scripture testimonium recurritur, ut est moris, tractatibus in plerisque. Hinc est quod notum esse volumus vniuersis christi fidelibus tam presentis temporis quam futuri, Quod ad profectum animarum et perpetue salutis remedium hospitali sancti Spiritus in Burch, accedente consensu venerabilis in christo patris, domini nostri hinrici, sancte Magdeburgensis ecclesie Archiepiscopi, concedendum duximus et indulgendum, ut procuratores eiusdem hospitalis sacerdotem assumant, qui cottidie in ipso hospitali celebret diuina officia in solatium infirmorum, Ita tamen, quod idem sacerdos oblationes, que sibi ad manus uel ad altare offeruntur, plebano ecclesie, qui pro tempore fuerit, uel eius vices gerenti integraliter presentabit, saluo tamen in omnibus parochialis ecclesie suo iure. Nos quoque hinricus, sancte Magdeburgensis ecclesie archiepiscopus, concessionem huius intuitu pietatis factam ratificamus et presentibus confirmamus et volumus, ut ab omnibus plebanis loci, qui pro tempore fuerint, perpetuis temporibus inuolabiliter obseruetur. In huius concessionis signum et testimonium nostrum sigillum presentibus est annexum. Nos eciam Guntherus de Swalenberch huic littere sigillum nostrum similiter duximus apponendum. Testes huius rei sunt Geuehardus de Lindowe archidiaconus in banno Calue, Otto de brezna cellerarius, Geuehardus de Querenvorde, Siffridus de anhalt camerarius, nostre ecclesie canonici, Henningus de bardeleue, thilo marfealeus, heino de Rodense, Johannes de louborch dictus borgrauius, milites et quamplures alii fide digni. Actum et datum Magdeburch, Anno domini MCCCVII^o, in die beate agnetis virginis.

Nach dem Originale des Stadarchiues zu Burg Nr. 51.

XIV. Der Rath zu Sandow verpfändet dem heiligen Nicolaus daselbst vier Buden und eine Wiese, am 6. Juni 1308.

Nos Consules Civitatis Sandow, omnibus Christi fidelibus, ad quos presens scriptum pervenerit, in vero salutari salutem. Quoniam omnium habere memoriam potius est divinitatis quam humanitatis, conscribi fecimus, quae coram nobis aguntur, ne oblivioni tradantur. Notum igitur esse volumus omnibus praesentibus et futuris, praesens scriptum inspecturis, quod nos S. Nicolao in Sandow IV bodas penelicorum atque terram et pratum dictum in Teutonico Wiese, domui leproforum praedictae civitatis adjacentes, quando ipsa terra et ipsum pratum ab his qui convenerant absolvantur, cum omni censu et fructu pro XLV marcis Brandenb. argenti, in quibus ipsi tenemur, obligamus ad tempus, in quo tale argentum persolvatur. Si autem praedictae penelicorem bodae ab infortunio comburentur, non a pecunia S. Nicolai sed Civitatis deberent reaedificari. Ut autem hoc firmum et inconvulsam permaneat, nos super id scriptum nostrum dedimus, et illud sigilli nostri appensione fecimus communiti. Testes huius facti sunt, qui tunc temporis in praenominata Civitate

Consoles extiterant, scilicet hi: Heinricus Pingvis, Zabellus de Monte, Tidericus dictus Springintgut, Henningus de Yden, Mas Auriga, Martinus de Ifenack, Henningus de Stendal, Bodo filius Germodis et alii quam plures fide digni. Datum anno Domini M. CCCVIII. feria Vta proxima post festum Pentecostes.

Nach Olearii Magdeburgischem Copialbuche vol. 2, p. 213.

XV. Bischof Friedrich von Brandenburg vereinigt die Kirche zu Burch mit dem Stifte
U. L. Frauen in Magdeburg, am 18. Februar 1308.

In nomine sancte et indiuidue Trinitatis. Fredericus, Dei gratia Brandenburgensis Ecclesie episcopus, Johannes prepositus, Waltherus prior, totumque capitulum eiusdem ecclesie, uniuersis tam presentibus quam futuris in uero salutari salutem, et sinceram in domino karitatem. — Postquam ex quadam permutatione ius Patronatus ecclesie parochialis sancte Marie in ciuitate Borch et ipsius appendicis ecclesie sancti Nicolai dyoc. Brandenburgensis ad honorabilem uirum dominum prepositum et ecclesiam seu monasterium beate Marie uirginis in Magdeburch, ordinis premonstratensis, titulo permutationis fuisse translatum, considerantes qualiter prefata ecclesia sancte Marie tam iugiter quam preclare pre ceteris sit dotata ac presulgeat corpore reuerendissimi patris Norberti, qui ibidem memoriter tumba requiescit, attendentesque, quomodo nostra ecclesia cum similibus salutiferis gaudet et fulcitur edictis Norbertinis, cupientes nunc oportuno tempore predictam ecclesiam beate Marie aliquo speciali salutare, ad Dei patris omnipotentis ac ad laudem alme uirginis Marie, iam dicte ecclesie patrone, nec non ad decorem serenissimi patris Norberti, ex multa deliberatione dudum prehabita, in cupiditatis memoriam in futuro uolumus et ordinamus infra scriptam nostram ordinationem ac incorporationem inperpetuum ualituram: uidelicet, quod Plebanus quicumque seu rector ecclesie prefate in Burch, qui pro tempore fuerit XL. marcas argenti Stendaliensis Magdeburgensis ponderis supradictis preposito, qui pro tempore fuerit, et ecclesie sancte Marie singulis annis in perpetuum et cunctis temporibus seculorum de redditibus et prouentibus ipsius ecclesie parochialis in Burch, ad usum prefati prepositi ac ipsius ecclesie persoluet, presentabit, donabit atque dabit ad diem beati Martini hyemalis, quas marcas XL. ad usum dicte ecclesie in Magdeburch sancte Marie incorporamus: Ad quam etiam prestationem et persolutionem reddituum XL. marcarum predictarum sepedictis preposito et ecclesie, ut premititur, libere sic pie faciendam omnem, qui in dicta ecclesia parochiali Plebanus seu rector ecclesie parochialis inuentus fuerit, aut se pro Plebano uel rectore gesserit seu habuerit, cuiuscunque status uel conditionis fuerit, singulis annis nunc et in perpetuum uolumus obligari. Si uero quocunque modo talis rector prefate ecclesie parochialis contra predictam nostram ordinationem et incorporationem uenerit, aut in solutione predictarum marcarum negligens seu rebellis fuerit, aut quicquam fecerit per se uel per alium aliqua causa uel ingenio, de iure uel de facto, sub pena dupli dicte summe pecunie et refectione dampnorum et expensarum litis et extra ad predicta sciat se teneri et pena soluta uel non, predicta omnia et singula rata et firma permaneant et perdurent. Ne igitur beneficium, sicut premititur, gratanter factum, fiat nobis et ecclesie Brandenburgensi inposterum inutile